

ତୀମଥୁଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ତିମତିନେ ଡାଗ୍ରା ପାଉଲ୍‌ନେ ଦୁତିୟ ଉଲିଆଃ

ତିମତି ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ଦିତିୟ ତିମତି ବଇ ପାଉଲ୍‌ନେ ବାନ୍ ମେଁନେ ସିସ୍ ତିମତିନେ ଡାଗ୍ରା ଗୁଆର୍ ବକ୍ଲେ ଉଲିଆ । ଦିତିୟ ତିମତି ପାଉଲ୍ ଜିବନ୍‌ନେ ସାରାସାରି ବେଲା ଗୁଆର୍ ବକ୍ଲେ ଉଲିଆ । ଏନ୍ ବେଲା ମେଁ ରମ୍‌ନ୍ନିଆ ବନ୍ଦି ଲେଃକେ ୧:୧୭୨:୧୨ ପାଉଲ୍‌ନେ ଏତେ ତିମତିନେ ଜାବର୍ ସମ୍ପର୍କ ଲେଃକେ ବାରି ସାପା ବେଲା ଆମେକେ ଉଂଡେ ଡାଗ୍‌ଡେ ବାସଙ୍ଗ ମ୍ୟାକେ ପିଲିପିୟ ୨:୨୨; ୧ ତିମତି ୧:୨; ୧:୧୮ ଏନ୍ ପାଉଲ୍‌ନେ ଅଁକ୍ଲିଗ୍ ଉଲିଆ ବାନ୍ ମୁଇଁ ଆଣ୍ଡିଡାଗ୍ରା କି ମଣ୍ଡଲିକେ ମୁଇଁ ରେମୁଆଁ ଡାଗ୍‌ଡେ ବାସଙ୍ଗ ମ୍ୟାକେ । ବିନ୍ ଝିକ୍ଲିଗ୍ ଉଲିଆ ଇଂ ୧ ତିମତି ତିତସ୍ ବାରି ପିଲିମନ୍ ।

ଦିତିୟ ଉଲିଆ ଗୁଆର୍‌ନେ ବେଲା ରମିୟ ରାଜ୍ୟନ୍ନିଆ ଡଣ୍ଡକସ୍ ଡିଙ୍ଗ୍‌ଆକେ । ଡିଙ୍ଗ୍ ପାରେ ତ ଏନ୍ କାରନ୍ ଲେଃଲା ପାଉଲ୍ ବନ୍ଦି ଲେଃକେ ବାରି ତିମତିକେ କସ୍ ବିନ୍‌ସା ଆଦେସ୍ ବଡିଙ୍ଗ୍‌କେ । ପର୍‌ଡୁମ୍ ତିମତି ଅନୁସାରେ ପାଉଲ୍ ତିମତିକେ ମିର୍ ଗୁରୁଇଁନେ ବିସୟରେ ଗୁଲୁଏ ତରକ୍ ଡିଙ୍ଗ୍‌ନ୍‌ସା ବାସଙ୍ଗ ଡିଙ୍ଗ୍‌କେ । ୧ ତିମତି ୧:୧୭-୧୮ ପାଉଲ୍ ତିମତିକେ ବାସଙ୍ଗ୍‌ଏ ଜେ ଇଡିଂଡେ ଗୁଲୁଏ କସ୍‌ବାନେ ବେଲା ଲେଃକେ ୩:୧ ।

ସାସ୍ତର ବିଡ୍ରେ ଲେଃକେ ସାମୁଆଁକଂ

୧. ପାଉଲ୍ ତିମତିକେ ସାଲ୍ ଡିଙ୍ଗ୍‌କେ ବାରି ଆମେକେ ସାଆସ୍ ବିଃଡିଂକେ । ୧:୧-୧୮
୨. ତିମତିକେ କାମ୍ ଡିଙ୍ଗ୍‌ଡେ ଆଃସୁଏ ନ୍‌ସା ପାଉଲ୍ ସାଆସ୍ ବିଃଡିଂକେ । ୨:୧-୧୩
୩. ଇଡିଙ୍ଗ୍ ପାଉଲ୍ ଉଡି ଡାଆଁ ଡାଆଁନେ ଆଦେସ୍ ବିଃଡିଂକେ । ୨:୧୪-୨୬

- ୪. ବବିସତ୍ତ ଗର୍ଭନା ବିସୟରେ ତରକ୍ ଲେଖନ୍ୟା ବାରି ସତ୍ତନେ
ଗାଲି ସ୍ତ୍ରୀ ନ୍ୟା ତରକ୍ ଆଡ଼ିଙ୍ଗକେ । ୩:୧-୪:୮
- ୫. ପାଉଲ୍ ତମତକେ ଉଡ଼ି ରୁଆ ବାସଙ୍ଗତେ ଗୁଆରନେ ଆଡାକେ
। ୪:୯-୨୨

^୧ ନିଂ ପାଉଲ୍ ପରମେସର୍ନେ ଇକ୍ତାରେ ବେବକ୍ଲେ ମୁଇଂ ସିସ୍
। ଜିସୁ କିସ୍ତନେ ତାଗ୍ରା ଲେଖକ୍ଲେ ଜିବନ୍ନେ ପାରମାନ୍ ତିଂକ୍ଲେ
ବିସୟରେ ରେମୁଆଁଇଂକେ ବାସଙ୍ଗ ନ୍ୟା ପରମେସର୍ ଆନେଙ୍ଗ
ବେବକ୍ଲେ ।

^୨ *ନେଙ୍ଗନେ ନିଜର୍ ଗଡ଼େଅ ତମତକେ ନେଙ୍ଗ ଏନ୍ ଉଲିଆ
ଗୁଆରଣ୍ଡିଂ । ଆବା ଇସପର୍ ବାରି ମାପୁ ଜିସୁ କିସ୍ତ ଆପେକେ ଲିବିସ
ବାରି ସାନ୍ତି ଦାନ୍ ତିଙ୍ଗଲେ ।

ଦନ୍ୟବାଦ୍ ବାରି ସାଦା ଆଡ଼ିଙ୍ଗନେ ସାମୁଆଁ

^୩ ନେଙ୍ଗନେ ତ୍ରା ଜାଇନେ ରକମ୍ ନେଙ୍ଗ ଆଣ୍ଡିନେ ଇସପର୍କେ
ପରଚଲ୍ ବୁଦିରେ ଉପାସ୍ ତିଂଚେ ଆମେକେ ଦନ୍ୟବାଦ୍ ବିଃଣ୍ଡିଂ ।
ନେଙ୍ଗନେ ପାରତନା ଗୁଆରିନ୍ନିଆ ସ୍ତ୍ରୀମିଡିଗ୍ ଆନାକେ ମନେ ଏଡେନେ
ବେଲା ନେଙ୍ଗ ଇସପର୍କେ ଦନ୍ୟବାଦ୍ ମୁଃଏ । ^୪ ନାଁ ନେଙ୍ଗ ନ୍ୟା
ଅଃନାଲେଖକେ ତାଗ୍ତେ ନେଙ୍ଗ ମନେ ମୁକେ । ନେଙ୍ଗ ଆନାକେ
କେଚେ ସାଦା ତିଙ୍ଗ ନ୍ୟା ଜାବର୍ ଇକ୍ତା । ^୫ ନାନେ ମ୍ନା ବିସ୍ତବାସ୍
ଆନେଙ୍ଗ ମନେ ପଡ଼େଏ । ନାଁନେ ବାଏଡୁକ୍ରି ଲୋୟା ବାରି ଇୟାଙ୍ଗ
ଇଉନିସୀ ତିରକମ୍ ବିସ୍ତବାସ୍ ତିଙ୍ଗଆରତିଂଗେ, ନାଁନେ ତିଗ୍ ଆତେନ୍
ଆମାନ୍ନିଆ ବିସ୍ତବାସ୍ ଲେଖକେ । ଏନ୍ ସାମୁଆଁ ନେଙ୍ଗ ସୁମରନା
ତିଙ୍ଗଣ୍ଡିଂ । ନାଁନେ ଆତେନ୍ ବିସ୍ତବାସ୍ ଲେଖକେ ତାଗ୍ତେ ସତେଆ
ନେଙ୍ଗ ମ୍ୟାଲ୍ଲେକେ । ^୬ ନେଙ୍ଗ ନାଁ ଆଡାଡା ତ୍ରି ବକେଲା ନାଁ
ଇସପର୍ନେ ବାନ୍ ଆଣ୍ଡିନେ ବପୁ ବାନାଲେଖକେ ଆମେକେ ଜିବନ୍
ବନ୍ୟା ନେଙ୍ଗ ଆନାକେ ତରକ୍ ଆଡ଼ିଙ୍ଗ ମୁକେ । ^୭ ପରମେସର୍
ଆନେକେ ବୁଟନେ ଆମା ବିଃଆବକେ ଶୁ । ମେଁ ଆନେକେ ବପୁ
ଆଲାଦ୍ ବାରି ନିମାଣ୍ଡା ବୁଦିନେ ଆମା ବିଃବକେ ।

୮ ତେସା ମାପୁ ଜିସୁନେ ବିସୟରେ ସାକି ବିନ୍ୟା ଗିଆସ ଆଡ଼ିଙ୍ଗପା;
ମେନ୍ୟା ନେଙ୍ଗ ବଦି ନେଙ୍ଗ ନ୍ୟା ତିଗ୍ ଗିଆସ ଆଡ଼ିଙ୍ଗପା । ଶୁଲା

* ୧:୨ ୧:୨ ପ୍ରେରିତ୍ ୧୭:୧.

ଇସ୍‌ପର୍ ଆପେକେ ବିବକ୍ଷେ ବପୁ ଏତେ ପେ କ୍ରିଷ୍ଟ ଜିସୁନେ ନିମାଣ୍ଡା ସାମୁଆଁ ନସା ଦୁକ୍ ଡିଙ୍ଗନେ ତିଆର୍ ଡିଙ୍ଗପା । ୯ ପର୍ମେସର୍ ଆନେକେ ଉଦାର୍ ଆଡିଙ୍ଗ୍‌ରେ ନିଜର୍ ପବିତ୍ର ରେମୁଆଁ ଆଡିଙ୍ଗ୍‌ବକେ । ନେଁଙ୍ଗନେ ନିଜର୍ ବପୁରେ ଆତେନ୍ ଆଡିଙ୍ଗ୍‌କେ ଶୁ । ଶୁଲ୍ଲା ପର୍ମେସର୍ ନିଜେ ଇକଟା ଡିଙ୍ଗ୍‌ରେ ବାରି ନିଜର୍ ଲିବିସ ବାନ୍ ଆନେକେ ଉଦାର୍ ଆଡିଙ୍ଗ୍ ବକେ ବାରି ନିଜର୍ ରେମୁଆଁ ଆଡିଙ୍ଗ୍ ବକେ । ଆତେନ୍ ଲିବିସ ଜିସୁ କିସ୍‌ଟନେ ବାନ୍ ଆନେକେ ଅଃସେ କାଲ୍‌ବାନ୍ ମିଲେଲେଃକେ । ୧୦ ଏବେ ଏନ୍ ମଞ୍ଚୁପୁରନ୍ନିଆ ପାଙ୍ଗ୍‌ରେ ଆମ୍ବୁ_ଶ୍ରେ କିସ୍‌ଟ ଜିସୁ ଏନ୍ ସାପା ବିସୟ୍ ଆନ୍ ବକେ । ମେଁ ଗୁଏତେ ବପୁକେ ଗଣ୍ଡା ଆଡିଙ୍ଗ୍ ବକେ ବାରି ମେଁନେ ନିମାଣ୍ଡା ସାମୁଆଁ ବାନ୍ ମାଡାନେ ଜିବନ୍‌ନେ ଗାଲି ଆନ୍ ବକେ ।

୧୧ ✨ଏନ୍ ନିମାଣ୍ଡା ସାମୁଆଁ ବାସଙ୍ଗ୍‌ରେ ବୁଜେନ୍‌ସା ଇସ୍‌ପର୍ ଆନେଙ୍ଗ୍ ମୁଇଙ୍ଗ୍ ବେବକ୍ଷେ ସିସ୍ ବାରି ମାସ୍‌ଟେର୍ ରକମ୍ ସି ବକେ । ୧୨ ତେନ୍‌ସା ନେଙ୍ଗ୍ ଏନ୍ ସାପା ଦୁକ୍‌କସ୍ ବାଣ୍ଟିଂକେ । ଜାଣ୍ଟେକେ ନେଙ୍ଗ୍ ବିସ୍‌ବାସ୍ ଶ୍ରିଂକେ ନେଙ୍ଗ୍ ମେଁନେ ଅସ୍‌ଲି ସ୍ଲାମୁଆଁ ବାଲ୍ଲେଃ ବାରି ମେଁ ଆନେଙ୍ଗ୍ ଆଣ୍ଟିନେ ଦାଇଡ୍ ବିବକ୍ଷେ ଆତେନ୍ ଚଲେନ୍‌ସା ମ୍ବାବିଚାର୍ ଦିନା ଜାକ ମେଁ ଆନେଙ୍ଗ୍‌କେ ସୁବିଦାରେ ବଏ, ଏନ୍ ସଡ୍‌ବାବ୍‌ରେ ମ୍ୟାତେ ନେଙ୍ଗ୍ ଏଃଜାକ ସମାନ୍ ବାବ୍‌ରେ ଆସା ଡିଙ୍ଗ୍‌ରେ ନ୍‌ଲେଃକେ । ୧୩ ନେଙ୍ଗ୍ ଆପେକେ ବୁଦି ବିମ୍‌କ୍ଷେ ସଡ୍ ଆଣ୍ଟେଙ୍ଗ୍ ନିମାଣ୍ଡା ବାବ୍‌ରେ ମନେ ବପା ବାରି ମାପୁ ଜିସୁ କିସ୍‌ଟନେ ଏତେ ମିସେତେ ସତେଆ ଆଲାଦ୍ ବାରି ଦରମ୍ ବିସ୍‌ବାସ୍‌ରେ ତେରେପେତେ ଆଡିଙ୍ଗ୍‌ପା । ୧୪ ଆଣ୍ଟିନେ ମ୍ବା ବିସୟ୍‌ନେ ଦାଇଡ୍ ପେନେ ଆଡାଡା ମିସୁତେ ଲେଃକେ ନେଁଙ୍ଗନେ ବିତ୍ରେ ବାସା ଲେଃକେ ପବିତ୍ର ଆମ୍ବାନେ ବପୁରେ ମେଁ ସାପାକେ ନିମାଣ୍ଡା ବାବ୍‌ରେ ବପା ।

୧୫ ପେ ମ୍ୟାପେଲେକେ ପୁଗେଲ ବାରି ହର୍ମଗେନା ଆନ୍ତାରତେ ଆସିଆ ପ୍ରଦେସ୍‌ନିଆ ସାପାରେ ଆନେଙ୍ଗ୍ ଆନ୍ତାର୍ ବଆର୍‌କେ । ୧୬ ଡାଗ୍ଲା ଅନାସିଫର୍ ଜାବର୍ ତର୍ ପାଙ୍ଗ୍‌ରେ ଆନେଙ୍ଗ୍ ସାନ୍ତି ବିବକ୍ଷେ; ନେଙ୍ଗ୍ ବନ୍ଦି ଡାଗ୍‌ରେ ମେଁ ଗ୍ୟାସଃ ଆଡିଙ୍ଗ୍‌କେ ଶୁ । ମେଁନେ ପରିବାର୍ ଆଡାଡା ଇସ୍‌ପର୍‌ନେ ଦୟାଦରମ୍ କୁସାମୁଡି ଡିଙ୍ଗ୍‌ଶ୍ରିଂ । ୧୭ ରୋମ୍

✨ ୧:୧୧ ୧:୧୧ ୧ ଡିମଡି ୨:୭.

ନଗରନ୍ନିଆ ଝେରାକ୍ଷେ ଦାପ୍ତେ ମେଁ ଆନେଙ୍ଗ ତୁରତୁରଚେ ନେଙ୍ଗ ଡାଗ୍ରା ପାଙ୍ଗ୍ ଲେଃକେ ।^{୧୮} ମ୍ମା ବିଚାର ଦିନା ମାପୁ ମେଁଇଁନେ ଆଡ଼ାତ୍ରା ଦୟା ତିଙ୍ଗ୍ଲେ । ଏଫିସିୟ ନ୍ନିଆ ମେଁ ନେଙ୍ଗ୍ନେ ଉଡ଼ି ସାଆଜ୍ୟ ତିଙ୍ଗ୍ ବକେ ପେ ଆଡେନ୍ ସାପା ସାମୁଆଁ ମ୍ୟାପେଲେକେ ।

୨

କିସ୍ତୁ ଜିସୁନେ ମୁଇଙ୍ଗ୍ ବିସ୍ବାସ୍ ନେତା

^୧ ନେଙ୍ଗ୍ନେ ପ୍ରିଅ ଉଙ୍ଗ୍ଡେ ତିମତି କିସ୍ତୁ ଜିସୁନେ ଏଡେ ମିସେକ୍ସେ ବାନ୍ ମେଁନେ ଆସିର୍ବାଦ୍ବାନ୍ ଆଣ୍ଡିନେ ବପୁ ମିଲେଏ ଆଡ଼ବାନ୍ ନାଁ ସକ୍ତିସାଲି ତିଙ୍ଗ୍ ।^୨ ବାରି ଗୁଲେ ସାକିନେ ସାମ୍ନାନାନ୍ନିଆ ଆଣ୍ଡିନେ ସାପା ନ୍ନାଲିର୍ ନେଙ୍ଗ୍ବାନ୍ ଅପେଲେକେ ଜାଣ୍ଡେଇଁ ବିନ୍‌ଶ୍ଟେକେ ତିରି ବୁଦି ବିଃନେ ଇକ୍ତା ଦେକ୍‌ରକମ୍ ବିସ୍ବାସ୍ ରେମୁଆଁଇଁନେ ଡାଗ୍ରା ଆଡେନ୍ ସାପା ବାସଙ୍ଗ୍ପା ।

^୩ କିସ୍ତୁ ଜିସୁନେ ମୁଇଙ୍ଗ୍ ବିସ୍ବାସ୍ ନେତା ରକମ୍ ପେ ମେଁନେ ନ୍ସା ଦୁକ୍ କସ୍ତୁ ବାପା ।^୪ ମୁଇଙ୍ଗ୍ ସୈନିକ ମେଁନେ ସେନାପତିକେ ସାଦ୍ବା ଆଃଡିଙ୍ଗ୍ ନ୍ସା ଚେସ୍‌ଟା ତିଙ୍ଗ୍ଏ । ଏଲେଡିର୍ କାଲାଆଃ ପାରାନ୍ନେ ଗର୍ନାରେ ମେଁ ନିଜର୍ ବେଲା ଝେଝିର୍ ଆଡିଙ୍ଗ୍ ଶୁ ।^୫ ମୁଇଙ୍ଗ୍ ବୁଣ୍ଡେ ପୁରସ୍‌କାର ଜିନେ ନ୍ସା ଝିର୍ନେ ସାପା ନିଅମ୍ ପାଲନ୍ ତିଙ୍ଗ୍ନେ ଦରକାର୍ ।^୬ ମୁଇଙ୍ଗ୍ ବିଗ୍‌ଜାରେ ନିଜେ କସ୍ତୁ ତିଙ୍ଗ୍‌ଚେ ଆଣ୍ଡିନେ କିଆ ଆଲ୍ଲେ ବଏ ମେଁ ସେନ୍ତୁର୍ ଆଡେନ୍ ଆଲ୍ଲେକ୍ସେବାନ୍ ବଲେ ବାନେ ଦରକାର୍ ।^୭ ନେଙ୍ଗ୍ ଆଣ୍ଡିନେ ସାମୁଆଁ ବାସଙ୍ଗ୍‌ଣ୍ଡି, ଆଡେନ୍ ବିସୟରେ ଚିନ୍ତା ତିଙ୍ଗ୍ପା । ମାପୁ ଆପେକେ ସାପା ସାମୁଆଁ ଆଣ୍ଡେଙ୍ଗ୍ ବୁଜେ ନ୍ସା ବପୁ ବିଏ ।

^୮ ନେଙ୍ଗ୍ ବାସଙ୍ଗ୍‌ମ୍‌କ୍ସେ ନିମାଣ୍ଡା ସାମୁଆଁ ଅନୁସାରେ ଜାଣ୍ଡେ ଗୁଏଃଚେ ବୁଆକ୍ସେ ଜିସୁ କିସ୍ତୁ ଦାଉଦ୍ ଇଃସାଙ୍ଗ୍‌ନେ ବସ୍‌କ୍ଲୁଲ୍, ଆମେକେ ମନେ ଏଡେପା ।^୯ ଏନ୍ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍‌କ୍ସେସା ନେଙ୍ଗ୍ ଦସି ରକମ୍ ରୁପ୍‌ଚାପ୍ ତିଙ୍ଗ୍‌ଚେ କସ୍ତୁ ବାଣ୍ଡିକେ । ମାତର୍ ଇସ୍‌ପରନେ ନ୍ନାଇର୍‌କେ ଜାଣ୍ଡେ ରୁପ୍‌ଚାପ୍ ଆଡିଙ୍ଗ୍ ଆୟାଆର୍ ଶୁ ।^{୧୦} ଏଲେଡିର୍ ନେଙ୍ଗ୍ ଡାବ୍ ବାବ୍‌ରେ ଆଡେନ୍ କସ୍ତୁଇଁ ସମ୍ପାଲେ ଣ୍ଡି । ତିରକମ୍ ନେଙ୍ଗ୍ ଏନ୍‌ଇଁ ସାମ୍ପାଲେ କାରନ୍ ଇସ୍‌ପର୍

ସ୍ତ୍ରୀ ବନ୍ଧେ ରେମୁଆଁଙ୍କଂ କିସ୍ତ ଜିସୁନେ ଡାଗ୍ରା ଲେଃକ୍ସେ ଉଦାର ବାରି
ମାତାନ୍ନେ ଆସିବାଦ୍ ବାଆରୁଏ । ୧୧ ଏନ୍ ବୁଦି ସତ୍ ତିଙ୍ଗୁଏ;

ଜଦି ନେ ମେଁନେ ଏତେ ନେଗୁଏଃଏ

ତେଲା ନେ ମେଁନେ ଏତେ ନେମ୍ପୁଏ ।

୧୨ *ଜଦି ନେନେ କସ୍ତୁ ନେବାଏ

ତେଲା ନେନେ ମେଁନେ ଏତେ ସାସନ୍ ନେଡିଙ୍ଗୁଏ ।

ଜଦି ନେନେ ଆମେକେ ଗ୍ରାଅନ୍ ତିଙ୍ଗୁ ନ୍‌ସା ମନା ନେଡିଙ୍ଗୁଏ,

ତେଲା ମେଁ ଆନେକେ ଗ୍ରାଅନ୍ ତିଙ୍ଗୁ ନ୍‌ସା ମନା ତିଙ୍ଗୁଏ ।

୧୩ ଜଦି ନେ ଅବିସ୍‌ବାସ୍ ନେଡିଙ୍ଗୁଲା

ଡିଗ୍ ମେଁ ବିସ୍‌ବାସ୍‌ରେ ଲେଃଏ ।

ଡାଗ୍ରା ମେଁ ନିଜର୍ ନ୍‌ସା ମିର୍ ତିଙ୍ଗୁ ଆୟା ଶୁ ।

ବିସ୍‌ବାସ୍‌ରେ କାମ୍ ତିଙ୍ଗୁଣ୍ଡେ

୧୪ ଆତେନ୍ ସାମୁଆଁ ଆଣ୍ଡେଙ୍ଗ୍ ରେମୁଆଁଙ୍କଂକେ କାଲାଆଃ
ବାସଙ୍ଗୁପା । ପର୍ମେସର୍ ସାମ୍‌ନାନ୍ନିଆ ତରକ୍ ଆଡିଙ୍ଗୁ ବିଃପା ଜେ
ମେଇଁ ସରାଃସ୍ତ୍ରଃ ଝିଙ୍ଗୁଆ ରିଙ୍ଗୁଆ ଆଡିଙ୍ଗୁ ଆରଲେ । ଅଡ୍‌କା ଅଡ୍‌କି
ଡିଙ୍ଗୁନେ ବାନ୍ ଆଜାଡିଗ୍ ଲାବ୍ ଆଡିଙ୍ଗୁ ଶୁ । ଜାଣ୍ଡେଇଁ ଏନ୍ ଅଆରୁଏ
ଆମେଇଁକେ ଆତେନ୍ ନସ୍ତୁଆଡିଙ୍ଗୁ ବିଏ । ୧୫ ପେ ଗିଆସ୍ ମାଡିଙ୍ଗୁତେ
ଜାବର୍ ବୁଲ୍ ଶୁ ବାବ୍‌ରେ ଇସ୍‌ପର୍‌ନେ ସତ୍ ସାମୁଆଁ ବାସଙ୍ଗୁପା;
ତେଲା ପେ ବିସ୍‌ବାସ୍‌ରେ କାମ୍ ତିଙ୍ଗୁ ରକମ୍ ଇସ୍‌ପର୍‌ନେ ଡାଗ୍ରା
ମନ୍‌କେ ପେଝେଏ । ୧୬ ପର୍ମେସର୍‌ନେ ବାନ୍ ପାଙ୍ଗୁଆଲେକ୍ସେ
ଦରକାର୍ ଶୁନେ ସାମୁଆଁ ଆଣ୍ଡେଙ୍ଗ୍ ବାସଙ୍ଗୁ ମ୍ୟାକ୍ସେ ରେମୁଆଁବାନ୍
ସ୍ତୁ ଲାଲାପା । ଦେଡ୍ ରକମ୍‌ନେ ସାମୁଆଁ ପର୍ମେସର୍‌ନେ ବାନ୍
ମାଲେ ବାନ୍ ମାଲେ ସ୍ତୁ ଲାଲାପା । ୧୭ ଗାଗ୍‌ଡେ ବିଡ୍ରେ ରଗ୍ ସାକେ
ରକମ୍ ମେଁକ୍‌ନେ ଦଦିଆ ବୁଦି ବ୍ୟାପେ ଝେଏ । ହୁମ୍‌ନାୟ ବାରି
ପିଲାତ ଡିଙ୍ଗୁଡିକେ ଦେଡ୍‌ରକମ୍ ରେମୁଆଁ । ୧୮ ମେଇଁ ସତ୍
ବୁଦି ଆନ୍ତାର୍ ବଆରକେ । ମେଇଁ ବାସଙ୍ଗୁ ଏ ଜେ ଗୁଏତେ ସାପାରେ
ତତ୍‌ସାପାଙ୍ଗୁନେ ଗର୍‌ନା ଗଟେ ଡାଲେଃକେ । ଆତେନ୍ ମ୍ୟାୟା ରେମୁଆଁ
ଉଡି ରେମୁଆଁଙ୍କଂନେ ବିସ୍‌ବାସ୍ ନସ୍ତୁ ଆଡିଙ୍ଗୁ ଆରଡିକେ । ମାତର୍

* ୨:୧୨ ୨:୧୨ ମାଡିଉ ୧୦:୩୩; ଲୁକ୍ ୧୨:୯.

ପରମେସ୍ୱରନେ ତାଟ୍ ମୁଲ୍ଲକା ଦେତ୍ତରକମ୍ ଲେଃକେ । ୧୯ ମାତର୍ ଇସ୍ପର୍ ଆଣ୍ଡିନେ ତାଟ୍ ମୁଲ୍ଲ ପାଣ୍ଡୁସୁନ୍ ତିଆର୍ ତିଙ୍ଗ୍ବକେ ଆମେକେ ଜାଣ୍ଡେ ଆଃଡୁଗ୍ ଆୟା ଶୁ । ଆତେନ୍ ମୁଲ୍ଲ ହି ଆଡ଼ାତ୍ରା ଗୁଆର୍ ବକେ; “ଇସ୍ପର୍ ମେଁନେ ନିଜର୍ ରେମୁଆଁଇଁକେ ମ୍ୟାଏ ଜେ ନିଜେକେ ଇସ୍ପର୍ନେ ରେମୁଆଁ ତାଗ୍ରେ ସ୍ନାମୁଆଁ ବିଚେ ମେଁ ସାପା ଦଦ୍ୟା କାମବାନ୍ ସ୍ନ ଲେଃଏ ।”

୨୦ ମୁଲ୍ଲଙ୍ଗ୍ ମ୍ନା ତୁଆ ସୁନା ବାରି ରୁପା ଜିନିସ୍ ଏତେ ତୁବଃ ବାରି ସୁଆନେ ଜିନିସ୍ ତିଗ୍ ଲେଃଏ । ଉଡି ଜିନିସ୍ ମ୍ନା କାମ୍ ନ୍ୟା ଦରକାର୍ ତିଙ୍ଗ୍ଏ । ଉଡି ଜିନିସ୍ ତାଆଁ କାମ୍ ନ୍ୟା ଦରକାର୍ ତିଙ୍ଗ୍ଏ । ୨୧ ଜାଣ୍ଡେ କି ସାପା ପାପ୍ କାମ୍ ବାନ୍ ନିଜେ ପବିତ୍ର ଲେଃଏ ମେଁ ମାପୁନେ ମ୍ନା କାମ୍ନିଆ ଦରକାର୍ ବିଏ ତାଗ୍ଲା ମେଁ ମାପୁନେ ତାଗ୍ଲା ଦ୍ୟାନରେ ଲେଃକେ ମେଃନ୍ୟା ମେଁ ଦରକାର୍ । ମେଃଡିଗ୍ ନିମାଣ୍ଡା କାମ୍ନିଆ ଜଗ୍ ବିଃନ୍ୟା ମେଁ ତିଆର୍ ତିଁଲେଃକେ । ୨୨ ଙ୍ଗିରେଇଁ ଆଣ୍ଡିନେ ସାପା ଦଦ୍ୟା କାମ୍ ତିଙ୍ଗ୍ ନ୍ୟା ଇକ୍ତା ତିଙ୍ଗ୍ଏ, ଆତେନ୍ ବାନ୍ ସ୍ନ ଲାଲାପା । ଜାଣ୍ଡେଇଁ ପବିତ୍ର ମନ୍ରେ ମାପୁ ତାଗ୍ଲା ପାର୍ତନା ତିଁଆର୍ଏ, ଦରମ୍ ବାବ୍ରେ ମ୍ନା ନ୍ୟା ଜାବର୍ ପରିସ୍ତମ୍ ତିଙ୍ଗ୍ପା । ବିସ୍ବାସ୍ ଆଲାଦ୍ ବାରି ସାନ୍ତି ବାନ୍ସା ଚେସ୍ତା ତିଙ୍ଗ୍ପା । ଆଣ୍ଡିନେ ରେମୁଆଁଇଁ ମାପୁକେ ବିସ୍ବାସ୍ ତିଙ୍ଗ୍ଆର୍ଏ ବାରି ଜାଣ୍ଡେଇଁନେ ପରଚଲ୍ ଗାଗ୍ଡେ ମେଁଇଁନେ ଏତେ କୁଡେଚେ ଆତାନ୍ କାମ୍ ତିଙ୍ଗ୍ପା । ୨୩ ବାରି ମୁଲ୍ଲତର୍ ବାସଙ୍ଗ୍ଣିଁ ମିର୍ ବାରି ମୁର୍ ଅଡକା ଅଡକି ରେମୁଆଁ ବାନ୍ ସ୍ନ ଲାଲାପା । ପେ ମ୍ୟା ପେଲେକେ ଆକେନ୍ ସାପା ତିଙ୍ଗ୍ତିଙ୍ଗେ ମାତର୍ ଙ୍ଗିଆ ରିଙ୍ଗ୍ଆ କଲ୍ଲକଲା ଆତିଙ୍ଗ୍ଏ । ୨୪ ମାପୁକେ ସେବାତିଙ୍ଗ୍ଣେ ଅଡକା ଅଡକି ତିଙ୍ଗ୍ନେ ନିମାଣ୍ଡା ଶୁ । ମେଁ ସାପା ରେମୁଆଁନେ ତାଗ୍ଲା ଦରମ୍ ତିଙ୍ଗ୍ନେ ଦରକାର୍ । ମେଁ ମୁଲ୍ଲଙ୍ଗ୍ ନିମାଣ୍ଡା ମାସ୍ଚେର୍ ତିଙ୍ଗ୍ନେ ଦରକାର୍ । ମେଁ ଦରମ୍ ଲାଃଲେ । ୨୫ ଜାଣ୍ଡେଇଁ ଆମେକେ ବିରଦ୍ ତିଙ୍ଗ୍ଏ ଆମେଇଁକେ ଦରମ୍ ବାବ୍ରେ ସିକେନେ ଦରକାର୍ । ତିଙ୍ଗ୍ପାରେ ପର୍ମେସ୍ୱର୍ ମେଁଇଁନେ ଗାଗ୍ଡେ ମୁଲ୍ଲ ବଦଲେନ୍ସା ଆସ୍ ବାଦ୍ ତିଙ୍ଗ୍ଏ ଆଣ୍ଡିନେବାନ୍ ମେଇଁ ସଡକେ ଗ୍ରାଅନ୍ ତିଙ୍ଗ୍ଆର୍ଏ । ୨୬ ବାରି ଆଣ୍ଡିନେ ଗଲିଆ ଆମେଇଁକେ ମେଁନେ ଇକ୍ତାରେ କାମ୍ ତିଙ୍ଗ୍ ନ୍ୟା ବହି ତିଙ୍ଗ୍ ବକେ ଚେତାବାଚେ ସଏତାନ୍ନେ ପାଦ୍ବାନ୍

ଉଦାର ବାଆର୍ୟ ।

୩

ତାନେ ଜୁଗ୍

୧ ମନେ ବପା ତାନେ ଜୁଗ୍ ବେଲା ଜାବର ବିପଦ ପିଙ୍ଗଟାଏ । ୨ ଆତେନ୍ ବେଲା ରେମୁଆଁ ମାତର ନିଜେ ନିଜେକେ ବାରି ଦନ୍ଦସମ୍ପତ୍ତିକେ ବଲ୍ ବାଆର୍ୟ । ମେଇଁ ଆଙ୍କାର ବାରି ଲବ୍ ତିଙ୍ଗିଆର୍ୟ । ବିନ୍ ରେମୁଆଁଇଁନେ ବିରଦରେ ଆନିନ୍ଦାତେ ବାସଙ୍ଗ୍ୟ । ଇୟାଙ୍ଗ ଆବାକେ ଆମାନେ ଶୁ । ମେଇଁ ଅନ୍ୟାୟ୍ ତିଙ୍ଗ୍ୟ । ପରମେସରନେ ଇକଟା ରକମ୍ ଜିବନ୍ ପାରାନ୍ ଆତିଙ୍ଗିଆର ଶୁ । ୩ ମେଇଁ ତିଙ୍ଗିଆର୍ୟ ଦୟା ମାତିଁ ରେମୁଆଁ, ଇଂସା, ନିନ୍ଦାଶ୍ରେ ବାରି ବୟଙ୍ଗାର୍; ସାପା ନିମାଣ୍ଡା ବିସୟକେ ଇଙ୍ଗତେ ଆର୍ୟ । ୪ ମେଇଁ ଗରବରେ ବଡ଼ପନ୍ ତିଙ୍ଗିତେ ବିସବାସଗାତକ୍ ବାରି ବିଚାର୍ ଆତିଙ୍ଗିଆର ଶୁ; ମେଇଁ ଇସପରନେ ପାରତନା ବାନ୍ ତୁଙ୍ଗିଙ୍ଗି ତୁଙ୍ଗିପାଙ୍ଗିନେ ଜାବର ସୁକ୍ ତାଗ୍ତେ ମାନେଆର୍ୟ । ୫ ଦରମନେ ସିତେଆ ବପୁକେ ଇଙ୍ଗତେତେ ମେଇଁ ଦଦ୍ୟା ଦରମ୍ କରମ୍‌କେ କାଲାଆଃ ମନେ ତିଙ୍ଗିଆର୍ୟ । କ୍ଳେଇଁନେ ବାନ୍ ପେ ନିଜେକେ ମୁଁ ଲାଃଲାପା । ୬ କ୍ଳେଇଁନେ ବିତ୍ତେ ଉଡ଼ିରୁଆ ତୁଆକେ ତୁଆ ଖେତେ ଗରିବ୍ ସେଲାମ୍‌ସୁଃଃକେ ରସିଆ ଆଃତିଙ୍ଗ୍ୟ । ଆତେନ୍ ସେଲାମ୍‌ସୁଃଃକେ ପାପ୍ ତିଙ୍ଗ୍ୟ । ସାପା ରକମ୍ ଦଦିଆ ଇକଟା ନସା ଅଲେଙ୍ଗିନେ ବାନ୍ ଏନ୍ ସେଲାମ୍‌ସୁଃଃକେ ପାପ୍ ତିଙ୍ଗିଆର୍ୟ । ୭ ଆତେନ୍ ସେଲାମ୍‌ସୁଃଃକେ ମିଁ ବୁଦି ଆଶ୍ରେଙ୍ଗ୍ ସିକେନ୍‌ସା କାଲାଆଃ ତେସଟା ତିଙ୍ଗିଆର୍ୟ ମାତର ମେଇଁ ଅଃନାତିଗ୍ ସଡ଼କେ ସମାନ୍ ବାବରେ ବୁଜେ ଆୟାଆର ଶୁ । ୮ ଯନ୍ନୀସ୍ ବାରି ଯମ୍‌୧ସ୍ ତିରକମ୍ ମୋଗାକେ ବିରଦ୍ ତିଙ୍ଗିବକେ ଦେଡ଼ ରକମ୍ ତାନେ ବେଲା ଦେକ୍ ଆରାମିଇଁ ସଡ଼କେ ବିରଦ୍ ତିଙ୍ଗିଆର୍ୟ ମେଇଁନେ ବାଆଃ ପାଗଲ୍ ତିଙ୍ଗ୍ୟ ବାରି ମେଇଁନେ ଦର୍ମ ବିସବାସ୍ ସମାନ୍ ତିଙ୍ଗିଲେଃସ । ୯ ତାଗ୍ଲା ମେଇଁ ଜାବର ସେନୁଗ୍ ଖେଆୟାଆର ଶୁ । ମେସୁଆ ସାପାରେ ମ୍ୟାଆର୍ୟ ମେଇଁ ଉଡ଼ି ମୁକ୍ । ଯନ୍ନୀସ୍ ବାରି ଯମ୍‌୧ସ୍‌କେ ପାରାନ୍‌ରେ ମେଇଁନେ ଗଟେଲେଃକେ ମେଇଁନେ ପାରାନ୍ ଦେଡ଼ରକମ୍ ଗଟେଏ ।

ସାରାସାରି ସାମୁଆଁ

୧୦ ଯେ ନେଇଁନେ ସିକ୍ୟା, ନେଇଁନେ ବେବଆର୍ ବାରି ନେଇଁ ଜିବନ୍ନେ ସାରାସାରି ଇକ୍ତା ଜାକ ପାଇଁପେଲେଃକେ । ନେଇଁ ବିସ୍ବାସ୍, ସାହାସ୍, ଆଲାଦ୍, ସାମ୍ବାଲେନେ ବପୁ, ନେଇଁନେ କସ୍ତୁ ବାରି ଦୁକ୍ନିଆ ଯେ ଖେଚା ପେଲେକେ । ୧୧ * ଯେ ମ୍ୟା ପେଲେକେ ତିରକମ୍ ଆଣ୍ଟିୟୋଷ ଇକନିୟ ବାରି ଲୁସ୍ତାନ୍ନିଆ ନେଇଁ ଜାବର୍ କସ୍ତୁ ବାଲ୍ଲେଃକେ । ମାତର୍ ତିରକମ୍ ମେଁ ଆତାନ୍ ସାପାକେ ମାପୁ ଆନେଇଁ ଉଦାର୍ ଆତିଙ୍ଗ ବକେ । ୧୨ ସତ୍ତରେ ଜାଣ୍ଟେଇଁ କିସ୍ତ ଜିସୁନେ ଏତେ ଦରମ୍ ଜିବନ୍ ପାରାନ୍ ତିଙ୍ଗନ୍ସା ଇକ୍ତା ତିଙ୍ଗ୍ଆର୍ଏ ମେଇଁ କସ୍ତୁ ବାଆର୍ଏ । ୧୩ ମାତର୍ ବିନ୍ ଗାଲି ଖେଣ୍ଟେ ବାରି ନାଲେଣ୍ଟେକେ କାଲାଆଃ ନସ୍ତୁ ତିଙ୍ଗ୍ନେ ପାକା ହୁଁଖେଏ । ମେଇଁ ବିନ୍ଣେ_କେ ଜଟେଟେ ଇଡ଼ିଙ୍ଗ୍ ନିଜ୍ଜକେ ଆଃଜଟେ ଆର୍ଏ । ୧୪ ମାତର୍ ଯେ ଆଣ୍ଟିନେ ଆଦେସ୍ ସିକେପେଲେକେ ଆତେନ୍ ଆଣ୍ଟେଇଁକେ ପାଲନ୍ ତିଙ୍ଗ୍ପା । ଯେ ମ୍ୟାପେଲେକେ ଜେ ଆତେନ୍ ବୁଦି ଆଣ୍ଟେଇଁ ସତ୍ । ଜାଣ୍ଟେଇଁ ଆତେନ୍ ବୁଦି ଆଣ୍ଟେଇଁ ବିବକେ ଆମେଇଁକେ ଯେ ମ୍ୟା ପେଲେଃକେ । ୧୫ ତାଆଁ ବାନ୍ ଯେ ପବିତ୍ର ସାସ୍ତର୍ ଆଣ୍ଟେଇଁ ମ୍ୟାଃପେଲେଏ । ଆତେନ୍ ସାସ୍ତର୍ ଆଣ୍ଟେଇଁ ଆପେକେ ଜ୍ଞାନି ଆଃତିଙ୍ଗ୍ଏ ବାରି ଆତେନ୍ ବୁଦି କିସ୍ତ ଜିସୁନେ ଆଡ଼ାତ୍ରା ବିସ୍ବାସ୍ ବାବ୍ରେ ଉଦାର୍ ପାକା ଖାଡୁଗ୍ଖେଏ । ୧୬ ସାପା ସାସ୍ତର୍ ପର୍ମେସ୍ରେନେ ବାନ୍ ବିବକେ । ଏନ୍ ସତ୍ ଗ୍ୟାନ୍ ନ୍ସା ସତ୍ ବିସ୍ତ୍ରେ ସିକ୍ୟା ନ୍ସା ବୁଲ୍ ଟିକ୍ ତିଙ୍ଗ୍ ନ୍ସା ନିମାଣ୍ଟା ବାବ୍ରେ ବୁଆ ତିକେଃ ତିଙ୍ଗ୍ ନ୍ସା ସିକ୍ୟା ନ୍ସା ଆକେନ୍ ଦରକାର୍ ଲେଃକେ । ୧୭ ତିରକମ୍ ଇସ୍ପରନେ ରେମୁଆଁ ପବିତ୍ର ତିଙ୍ଗ୍ଟେ ସାପା ରକମ୍ ସତ୍କାମ୍ ତିଙ୍ଗ୍ ନ୍ସା ଦରକାର୍ ଲେଃକେ ବପୁ ବାରି ବୁଦି ଲାବ୍ ତିଙ୍ଗ୍ଆର୍ଏ ।

୪

୧ ଇସ୍ପରନେ ସାମ୍ବାନ୍ନିଆ ବାରି ସାପା ମୁ_ଲେକେ ବାରି ଗୁଏଃକେ ରେମୁଆଁକେ ବିଚାର୍ ତିଙ୍ଗ୍ ନ୍ସା ବାରି ସାସନ୍ ତିଙ୍ଗ୍ ନ୍ସା ପାଙ୍ଗ୍ତିଙ୍ଗ୍ କିସ୍ତ ଜିସୁନେ ସାମ୍ବାନ୍ନିଆ ମେଁନେ ରାଜ୍ୟନେ ନିମାଣ୍ଟା

* ୩:୧୧ ୩:୧୧ ପ୍ରେରିତ୍ ୧୩:୧୪-୫୨; ପ୍ରେରିତ୍ ୧୪:୧-୭; ପ୍ରେରିତ୍ ୧୪:୮-୨୦.

ହାଲିର ବାଲିର ଅଲେକ୍ ନ୍ୟା ନେକ୍ ଆପେକେ ଏନ୍ ଆଦେସ୍ ବିଃଣ୍ଡିଂ ।^୨ ହାଲିର ବାସକ୍ପା, ବେଲା କି ଅବେଲା ବିଚାର୍ ଆଡ଼ିକ୍ତେ ପେ କାଲାଆଃ ଆତେନ୍ ବିସୟ୍ ଆଡ଼ାଡ଼ା ଦ୍ୟାନ୍ ବିଚେ ବୁଜେପା; ବାରି ଦମକ୍ ଆରି ସାର୍ଦା ବିଃପା ।^୩ ଦିନ୍ ପାକ୍ସ ଉଡ଼ିବେଲା ରେମୁଆଁ ସତ୍ ବୁଦିକେ ଆଅଁ ଆର୍ଏ ଶୁ । ମାତର୍ ରେମୁଆଁ ଜାବର୍ ବାନ୍ ଜାବର୍ ନିଜେ ମନ୍କେ ଝେକ୍ ବୁଦି ବଣ୍ଡ ସିକ୍ୟାକେ ଇନେ ବାନ୍ ଅଆର୍ଏ ବଣ୍ଡିକ୍ ଆମେକ୍ କେ ସାନ୍ତି ତିକ୍ତେ ରକମ୍ ସାମୁଆଁ ବାଲିରଏ ।^୪ ସତ୍ ହାଲିର ଆଅଁ ଆର୍ ଶୁ ମିର୍ ହାଲିର ଆଡ଼ାଡ଼ା ମନ୍ ବିଚେ ଦ୍ରିଗ୍ ଆର୍ଏ ।^୫ ମାତର୍ ପେ ସାପା ବିସୟ୍ ନିଆ ତରକ୍ ତିକ୍ପା କସ୍ ପାକ୍ଲା ଆତେନ୍ ଆଣ୍ଡେକ୍ ସାମ୍ବାଲେପା । ନିମାଣ୍ଡାସାମୁଆଁ ବାଲିର ଅଲେକ୍ପା । ପର୍ମେସର୍ନେ ସେବାଣ୍ଡେ, ରକମ୍ ସାପା କାମ୍ ତିକ୍ ଲାଲାପା ।

^୬ ନେକ୍ନେ ପାରାନ୍କେ ସର୍ପେ ବିଚେ ଏନ୍ ମଞ୍ଚୁର୍କେ ଆଡାର୍ନେ ବେଲା ପାକ୍ତିକ୍ତେ ।^୭ ପାରାନ୍ ଏତେ ନେକ୍ ପାରାନ୍ ବିଃଚେ ଜୁଦ୍ ତିଂମ୍ବକେ । ପାରାନ୍ରେ ନେକ୍ ସାରାସାରି ଗାଲିଜାକ ଝେଟା ନ୍ଲେଃକେ ନେକ୍ନେ ବିସ୍ବାସ୍ରେ ନେକ୍ ବିସ୍ବାସ୍ ରକ୍ୟା ତିକ୍ତେ ।^୮ ଏବେ ଜିତେନେ ମୁକୁର୍ ଆନେକ୍ତେ ଉର୍ ଲେଃକେ । ପର୍ମେସର୍ ଏତେ ଦରମ୍ ତିକ୍ ଲେଃକେସାଃ ନେକ୍ ଆତେନ୍ ମୁକୁର୍ ମ୍ବାଏ । ମାପୁ ନ୍ୟାୟ୍ ଅନ୍ୟାୟ୍ ବିଚାର୍ ତିକ୍ସ । ଆତେନ୍ ମ୍ବାଦିନ୍ରେ ମାପୁ ଆନେକ୍ ଜିତେନେ ମୁକୁର୍ ଆଞ୍ଜାଡେଗ୍ସ । ଡାଗ୍ଲା ଆନେକ୍ ଶୁ ଆଲାଦ୍ ବକ୍ତି ଏତେ ଜାଣ୍ଡେକ୍ ମେଁନେ ପାକ୍ନେ ବାରି ଆମେକେ ଉର୍ ଲେଃଆର୍କେ ସାପାରେକେ ମେଁ ଜିତେନେ ମୁକୁର୍ ଆଞ୍ଜାଡେଗ୍ସ ।

ନିଜର୍ ସାମୁଆଁ

^୯ ଦାପ୍ରେ ନେକ୍ ଡାଗ୍ଲା ପାକ୍ ନ୍ୟା ଚେସ୍ଟା ତିକ୍ପା ।^{୧୦} ☆ଦୀମ ମଞ୍ଚୁର୍କେ ଆଲାଦ୍ ତିଂଚେ ଆନେକ୍ ଆନ୍ତାର୍ ବିବକେ । ମେଁ ଏବେ ତେସଲିନିକିୟ୍ ନିଆ । କ୍ରେସ୍କେନେସ୍ ଗାଲାତିୟ୍ କେ ବାରି ତିତସ୍

☆ ୪:୧୦ ୪:୧୦ କଲସିୟ ୪:୧୪; ପିଲିମନ୍ ୧:୨୪; ୨ କରିନ୍ତିୟ ୮:୨୩; ଗାଲାତିୟ ୨:୩; ତିତସ୍ ୧:୪.

ତଲମାତିଆନ୍ନିଆ ଖେଲେଃଆରକେ । ୧୧ ✨ମାତର ଲୁକ୍ ନେଙ୍ଗ୍ ତାଗ୍ରା
 ଲେଃକେ । ପେ ଏତେ ମାରକକେ ଖା ତୁଂପାଙ୍ଗ୍ଲାପା; ମେଁ ଆନେଙ୍ଗ୍
 ନେଙ୍ଗ୍ କାମନ୍ନିଆ ସାଇଜ ତିଙ୍ଗ୍ଏ । ୧୨ ✨ତୁଖକସକେ ନେଙ୍ଗ୍ ଏଫିସିୟ
 ନଗରନ୍ନିଆ ବେମ୍ବକେ । ୧୩ ✨ତ୍ରୋୟା ଇନିନ୍ନିଆ କାର୍ପସନେ ତାଗ୍ରା
 ନେଙ୍ଗ୍ ଆଣ୍ଟିନେ ସକା ଆଃତାର୍ରେ ପାଙ୍ଗ୍ ନ୍ଲେଃକେ ପେ ପାଙ୍ଗ୍ନେ
 ବେଲା ଆମେକେ ସଙ୍ଗେ ତୁଙ୍ଗ୍ ପାଙ୍ଗ୍ଲାପା । ନେଙ୍ଗ୍ନେ ବଇ ଉଗ୍ସା
 ବଇ ଆଣ୍ଟେଙ୍ଗ୍ ତିଗ୍ ତୁଙ୍ଗ୍ ପାଙ୍ଗ୍ଲାପା ।

୧୪ ✨କଂସାରି ଆଲେକ୍ତାଣ୍ଟାର ନେଙ୍ଗ୍ନେ ଜାବର ଦଦ୍ୟା ତିଙ୍ଗ୍
 ବକେ; ମାପୁନେ ବାନ୍ ମେଁ ନିଜର୍ କାମ୍ ଅନୁସାରେ ପଲ୍ ବାଏ ।
 ୧୫ ନିମାଣ୍ଟା ସାମୁଆଁ ବାଲିର୍ କେଲା ମେଁ ଜବର୍ ବିରଦ୍ ତିଙ୍ଗ୍ ବକେ
 ତେସା ମେଁନେ ତାଗ୍ରା ପେ ତରକରେ ଲାଲାପା ।

୧୬ ସେନୁଗ୍ ଉଡିବେଲା ଆନେଙ୍ଗ୍ ନିଜର୍ ଆମ୍ବା ସର୍ପେକେଲା
 ପଡେଲେଃକେ, ଜାଣ୍ଟେ ନେଙ୍ଗ୍ ତାଗ୍ରା ଆଲେଃଆରକେ ଶୁ ସାପାରେ
 ଆନେଙ୍ଗ୍ ଆଃତାର୍ରେ ଖିଗଆକେ । ଇସପର୍ ଆମେଇଂକେ ଏନ୍ ଦସ୍
 ଆସାଃଲେ । ୧୭ ମାତର ମାପୁ ନେଙ୍ଗ୍ନେ ପାକା ତିଙ୍ଗ୍ରେ ଆନେଙ୍ଗ୍
 ବପୁରେ ଆଃଡିଙ୍ଗ୍କେ ବାରି ନେଙ୍ଗ୍ ସିଂଅଁ ସାମୁଆଁବାନ୍ ରକ୍ୟା ମ୍ବାକେ
 ତିରକମ୍ ନେଙ୍ଗ୍ ବାନ୍ ନିମାଣ୍ଟା ସାମୁଆଁ ସାପା ରକମ୍ ବାସଙ୍ଗ୍ ତିଙ୍ଗ୍
 ପାରେ ବାରି ଅଣଜିଉଦିଇଂ ସାପାରେ ଆତେନ୍ ଅଁୟାଆର୍ଏ । ୧୮ ମାପୁ
 ଆନେଙ୍ଗ୍ ସାପା ଦଦ୍ୟା କାମ୍ବାନ୍ ଉଦାର୍ ଆଃଡିଙ୍ଗ୍ଏ ବାରି ଆନେଙ୍ଗ୍
 ରକ୍ୟା ତିଙ୍ଗ୍ରେ ନିଜର୍ କିତଂ ରାଜିନ୍ନିଆ ଆଃଝେଟାଏ; ଜୁଗ୍ ଜୁଗ୍ ମେଁନେ
 ମଇମା ତିଙ୍ଗ୍ଲେ । ଆମେନ୍ ।

ସାରାସାରି ସାରଲନେ

୧୯ ✨ପ୍ରିୟା ବାରି ଆକ୍ଲା ବାରି ଅନାସିଫରନେ ପରିବାରକେ
 ନେଙ୍ଗ୍ନେ ନମସ୍ତାର୍ ଆଃଅଁପା । ୨୦ ✨ଏରାଷ୍ଟ୍ କରନ୍ତିନ୍ନିଆ ଲେଃକେ
 ମାତର ତୁଫିମ ଆଃସିଲେଲା ନେଙ୍ଗ୍ ଆମେକେ ମିଲାଟସ୍ନିଆ

✨ ୪:୧୧ ୪:୧୧ କଲସିୟ ୪:୧୪; ପିଲିମନ୍ ୧:୨୪; ପ୍ରେରିଡ୍ ୧୨:୧୨,୨୫; ୧୩:୧୩;
 ୧୫:୩୭-୩୯; କଲସିୟ ୪:୧୦; ପିଲିମନ୍ ୧:୨୪. ✨ ୪:୧୨ ୪:୧୨ ପ୍ରେରିଡ୍ ୨୦:୪; କଲସିୟ
 ୪:୭,୮. ✨ ୪:୧୩ ୪:୧୩ ପ୍ରେରିଡ୍ ୨୦:୭. ✨ ୪:୧୪ ୪:୧୪ ୧ ତିମତି ୧:୨୦; ରମିୟ
 ୨:୭. ✨ ୪:୧୯ ୪:୧୯ ପ୍ରେରିଡ୍ ୧୮:୨; ୨ ତିମତି ୧:୧୭,୧୭. ✨ ୪:୨୦ ୪:୨୦ ପ୍ରେରିଡ୍
 ୧୯:୨୨; ରମିୟ ୧୭:୨୩; ପ୍ରେରିଡ୍ ୨୦:୪; ୨୧:୨୯.

ଆଠତାରରେ ପାଇଁ ନଲେଖକେ । ^{୨୧} ରାସକିର ମାପାଙ୍କନେ ସେନୁର
 ନେଙ୍ଗ ଡାଗ୍ରା ପାଇଁ ନସା ଚେସ୍ତା ଡିଙ୍ଗପା । ଇଉବୁଲସ, ପୁଦେନସ,
 ଲିନସ, କ୍ଲୋଦିୟା ବାରି ସାପା ବିସ୍ବାସି ବୟା ତନାଇଁ ସାରଲ
 ଡିଙ୍ଗଆରଡ଼ିକେ ।

^{୨୨} ମାପୁ ପେନେ ଆମ୍ବୁଆ ବାସା ଲାଠଲେ । ଇସ୍ପରନେ ଲିବିସ
 ପେ ସାପାରେନେ ଏଡେ ଲାଠଲେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାତୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c